

«Спортты дамыту дирекциясы»

РМҚК директоры

Е. Естектін

2024 жылғы 09 сәуір

№ 04-03-01/18 бұйрығына

№ 1 қосымша

2024 жылғы Париждегі Жазғы Олимпиада ойындарында Қазақстан Республикасы Ұлттық құрамасының ту ұстаушыларының салтанатты, спорттық олимпиадалық киімі мен салтанатты киімі жиынтығының дизайн тұжырымдамасын қайта әзірлеуге арналған конкурстың  
**ЕРЕЖЕСІ**

1. Жалпы ережелер

1.1. Қазақстан Республикасы Туризм және спорт министрлігі Спорт және дене шынықтыру істері комитетінің «Спортты дамыту дирекциясы» РМҚК (бұдан әрі – Дирекция) қажеттілігі үшін 2024 жылғы Париждегі Жазғы Олимпиада ойындарында Қазақстан Республикасы Ұлттық құрамасының ту ұстаушыларының салтанатты, спорттық олимпиадалық киімі мен салтанатты киімі жиынтығының дизайн тұжырымдамасын қайта әзірлеуге арналған ашық конкурстың (бұдан әрі — Конкурс) ұйымдастырушысы болып табылады.

1.2. Конкурс ашық болып табылады және өтінімдерді беруден бастап Конкурс жеңімпазын анықтауға дейін Конкурстың екі кезеңінен тұрады.

1.3. Конкурстың мәні мен шарттары осы Ережемен, сондай-ақ Қазақстан Республикасының заңнамасымен реттеледі.

1.4. Конкурс туралы ереже жария оферта, ал оған қатысу акцепті болып табылады.

2. Конкурстың нысанасы

2.1 2024 жылғы Париждегі Жазғы Олимпиада ойындарында Қазақстан Республикасы Ұлттық құрамасының ту ұстаушыларының салтанатты, спорттық олимпиадалық киімі мен салтанатты киімі жиынтығының дизайнын таңдау.

3. Мақсаттары мен міндеттері

3.1. Ашық конкурс барлық қызығушылық танытқан киім-кешек пен жабдықтардың дизайн шеберлерінің барынша қатысуы және оларды қолдау мақсатында өткізіледі.

3.2. Конкурстың мақсаттары:

1) 2024 жылғы Париждегі Жазғы Олимпиада ойындарында Қазақстан Республикасы Ұлттық құрамасының ту ұстаушыларының салтанатты, спорттық олимпиадалық киімі мен салтанатты киімі жиынтығының дизайнның таңдау және анықтау процесінің ашықтығы мен жариялылығын қамтамасыз ету;

- 1) Қазақстан Республикасы Ұлттық құрамасының салтанатты және спорттық олимпиадалық киім-кешегі мен жабдықтарын зерделеуге, дамытуға және әзірлеуге қатысуға дизайнерлердің қызығушылығын ынталандыру;
- 2) Конкурсақа қатысушылардың кәсіби шеберлігін және жұмыспен қамту көлемін арттыру;
- 3) Олимпиадалық құрама спортшыларының сыртқы келбетін сан алуан заманауи тұрғыда жасау саласындағы талантты шеберлерді, жаңа ұжымдарды анықтау және қолдау;
- 4) Заманауи спорттық киім-кешек жасау саласындағы жаңа трендтерді анықтау;
- 5) Қазақстан Республикасының халқы арасында отандық спортты танымал етіп насихаттау;
- 6) Конкурсақа қатысушылардың көрнекі эскиздік жұмыстарына онлайн-пікір қалдыруға жалпыхалықтық қатысу мүмкіндігі.

#### 4. Конкурсақа қатысу шарттары және өтінімдерді беру тәртібі:

4.1 Конкурсақа қатысуға келесі қатысушылардың шектеусіз саны рұқсат етіледі:

- отандық кәсіби дизайнерлер;
- отандық дизайнерлік ұжымдар мен агенттіктер;
- жеңіл өнеркәсіп саласындағы отандық ұйымдар.

4.2 Конкурсақа қатысушының өтінімі Ережелердің осы тарауында көрсетілген барлық талаптарға толық сәйкес келуі тиіс, яғни желімделген конвертті құжаттар топтамасы баумен тігілген, нөмірленген, әрбір парағы дәйектелген қалпында, Конкурсақа қатысу мазмұнын қамтитын белгіленбеген үлгідегі жеке ілеспе хатымен келесі мекен-жай бойынша қағаз түрінде және электронды нұсқасы электрондық тасымалдауышта (флешка) қоса жіберілуі тиіс: Астана қаласы, Қабанбай батыр даңғылы 11/5, 2-қабат, 206-кабинет, Қазақстан Республикасы Туризм және спорт министрлігі Спорт және дене шынықтыру комитетінің «Спортты дамыту дирекциясы» РМҚК мемлекеттік сатып алу бөлімі, сондай-ақ жіберілетін құжаттармен қоса келесі ақпараттар қамтылуы қажет:

- 1) Жеке тұлға үшін жеке басын куәландыратын құжаттың көшірмесі немесе тіркелген заңды тұлға туралы анықтама;
- 2) Байланыс деректері-телефон, электрондық мекенжай, нақты орналасқан жерінің мекенжайы;
- 3) Дайын эскиздер.

4.3 Дайын жұмыстардың эскиздеріне қойылатын талаптар:

Конкурсақа қатысушының эскиздері осы Ереженің 9-тарауында көрсетілген олимпиадалық киім-кешек пен жабдықтардың алдыңғы және артқы жағынан суреті қағаз бетіне рұқсат етілген ең жоғары өлшемде түсіріліп салынған визуалды эскиздер жинағы болуы тиіс.

Қағаз түрінде — олимпиадалық форма мен жабдықтардың әрбір жеке заты түрлі-түсті және ақ қағазда/А3 форматындағы ақ фонда жасалуы керек.

Электронды түрде — олимпиадалық киім-кешектің және жабдықтарының әрбір затының визуалды эскизі түрлі-түсті болуы керек және келесі форматтардың кез келгенінде жеке файлдармен сақталуы керек: JPG, PNG (екі өлшемді графика үшін), файл өлшемі 1200\*800 (pix.).

Визуалды эскизде көрсетілген олимпиадалық киім-кешек пен жабдықтардың әрбір жеке затына қолданылған дизайн элементтері (бұйым материалы, кескін, жазулар, үлгі, түстер, конструкциялар, фурнитура және т. б.) егжей-тегжейлі себеп-салдарымен сипатталуы тиіс.

4.4 Эскиздер мен құжаттар Конкурсқа қатысушының тарапынан міндетті түрде жеке авторлық болуы қажет және толықтай авторлық эксклюзивтілігін дәйектейтін хаты Ұйымдастырушының мекен-жайына қоса жіберілуі тиіс.

4.5 Қатысушылар Конкурс жарияланған күні мен уақытынан ерте немесе кеш дайын эскиз жұмыстарын жібере алмайды, сондай-ақ жіберілетін құжаттар мен ақпараттар осы Тарауда қойылған талаптар мен шарттарға сәйкес келмеген, толық болмаған жағдайда қатысушыларға конкурсқа қатысуға рұқсат берілмейді.

4.6 Конкурсқа қатысатын әрбір қатысушы Конкурсқа қатыса отырып, Конкурс ұйымдастырушысына дайын эскизді көпшілікке жеткізу, жариялау, көпшілікке көрсету, көбейту, тарату, қайта өңдеу арқылы дайын жұмыстарды өтеусіз негізде пайдалану құқығын және келісімін береді.

4.7 Конкурс жеңімпазы (жеңімпаздары) Конкурстың Ұйымдастырушысымен конкурсқа қатыстырылған жұмыстары мен эскиздерін Ұйымдастырушыға өз қалауы бойынша шектеусіз түрде пайдалануға және Ұйымдастырушының өзге де тұлғаларға шектеусіз түрде пайдалануға (қоддануға) құқығын ұсыну мүмкіндігі туралы шарт жасасу міндеттемесін қабылдайды.

4.8 Конкурс жеңімпаздарының визуалды эскиздеріне кез келген өзгерістер енгізу және пысықтау Ұйымдастырушының құқығы болып табылады. Бұл туралы жеңімпаз (жеңімпаздар) мен конкурс Ұйымдастырушы арасындағы тиісті ресми келісімдер куәландыратын болады.

## 5. Конкурс комиссиясы

5.1 Конкурстық комиссия (ары қарай — Комиссия) байқау ұйымдастырушысының бастамасымен Дирекция қызметкерлері мен өзге тартылған азаматтардан құралып, уақытша жұмыс істейтін алқалы орган. Комиссия дайын визуалды эскиз жұмыстарын бағалауды, конкурсқа қатысушылардың өтінімдерін қарауды, сондай-ақ қорытынды шығаруды және конкурс жеңімпаздарын анықтауды жүзеге асырады.

5.2 Барлық мүше Дирекцияның шешімі бойынша бекітіледі. Комиссия құрамына дене шынықтыру және спортты қолдауға мүдделі адамдар ерікті негізде өз бастамасымен тартылуы мүмкін.

## 6. Комиссияның негізгі қызметі

6.1 Комиссия конкурс жеңімпаздарын анықтау кезінде барлық түпкілікті өкілеттіктерге ие, бұл ретте дене шынықтыру-спорт ұйымдарының, тәуелсіз сарапшылардың және Мемлекеттік органдардың конкурсқа қатысушылардың алынған барлық көрнекі эскиздік жұмыстары бойынша пікірлері ескеріледі және барлық кезеңдерде өз іс-әрекеттерінің толық ашықтығын қамтамасыз етеді.

6.2 Комиссияның негізгі функциялары:

1) Конкурсқа қатысушылардың өтініштерін қарау кезінде объективті және бейтарап болуды қамтамасыз ету;

2) Конкурсқа қатысушылар үшін бірдей жағдай жасап, бәсекеге қабілетті орта қалыптастыру;

3) Конкурс нәтижелерінің ашықтығын және тиімділігі қағидаттарын сақтау;

4) Конкурсқа қатысушылардың өтінімдерінде қамтылған зияткерлік меншік құқығына байланысты ақпаратты құпия сақтау;

5) конкурсқа қатысушылардың өтініштерін қарау кезінде Комиссияның жұмысына ықпал етуге және араласуға жол бермеу.

6.3 Комиссия төрағасы мен мүшелерінің өкілеті:

1) Төраға конкурстың барлық процестерін дайындау және іске асыру жөніндегі жұмысты ұйымдастырады және жалпы басшылықты жүзеге асырады, мәселелерді қарау тәртібін, отырыстардың ашылуы мен жабылуын айқындайды, кворумның болуын белгілейді, қаралатын материалдар мен құжаттардың осы Ереженің талаптарына сәйкестігінің тәртібі мен сақталуын қадағалайды, дауыс береді және комиссияның хаттамалары мен шешімдеріне қол қояды;

2) Мүшелер конкурс кезеңдерін өткізу бойынша барлық дайындық жұмысын қамтамасыз етеді, барлық жұмыс отырысына қатысады;

3) Хатшы конкурсқа дайындық және өткізуге қатысты жұмысқа қатысады, конкурс кезеңіне қатысуға келіп түскен өтініштер журналын жүргізуді жүзеге асырады және барлық жұмыс отырысына қатысады.

6.4 Комиссия өз қызметінде осы Ережені және Қазақстан Республикасының қолданыстағы заңнамасын басшылыққа алады.

6.5 Комиссия отырысының тәртібі:

1) Комиссия отырысының күні конкурс бастамашысының шешімімен анықталады;

2) Комиссия отырыстары Комиссия мүшелерінің кемінде 2/3 қатысуымен күндізгі/сырттай өткізіледі;

3) Комиссияның жұмысына басшылықты осы Ережеде белгіленген өз өкілеттіктері шегінде Комиссия төрағасы жүзеге асырады.

4) Мүшелер барлық отырысқа келуі қажет. Олар келген материалдар мен құжаттарды қарайды, дауыс береді және Комиссия отырысының хаттамаларына қол қояды;

5) Хатшы Комиссия отырысын ұйымдастыруды қамтамасыз етеді, қатысушылардың конкурсқа өтініштерін ашады, отырыста қаралатын күн тәртібіндегі материалдар мен құжаттардың дайын болуын қадағалайды, комиссия мүшелерімен бір қатарда отырыс хаттамасына, шешіміне, қорытындыларына қол қояды.

## 7. Өтінімдерді қарау тәртібі және конкурс шарттары

7.1 Конкурс екі кезеңнен тұрады және әрбір кезеңде жеңімпаз осы Ереженің шарттарына сәйкес Комиссия отырысында шешімдер жолымен айқындалады. Конкурстың 2-кезеңінде қорытынды шығару жолымен айқындалған салтанатты және спорттық киім-кешек конкурстың жеңімпазын қоспағанда, конкурсқа қатысу ақшалай-көтермелеу болып табылмайды.

Конкурс кезеңдері:

7.2 I кезең «Комиссияның конкурсқа қатысушылардың өтінімдері мен материалдарын қабылдауы және қарауы».

- 1) Бұл кезеңнің мерзімі: 2024 жылғы 10 сәуір сағат 20:00-ден — 15 сәуір сағат 18:30-ға дейін.
- 2) Конкурстың басталғаны, оның барысы және кезеңдерінің аяқталғаны жайлы қоғамдық жариялау [www.gov.kz](http://www.gov.kz), [www.kazsports.kz](http://www.kazsports.kz) : веб-сайттары мен [@qaz\\_olympics](https://www.instagram.com/qaz_olympics), [@drs\\_kz](https://www.instagram.com/drs_kz) және [@olympickz](https://www.instagram.com/olympickz) инстаграм парақшаларында жүзеге асады.
- 3) Бұл кезең уақытында қатысушылар осы Ереженің 9-тарауында анықталған олимпиадалық салтанатты және спорттық киім-кешектің заттары мен жабдықтардың визуалды эскиздерінен құралған дайын жинағы болып табылатын жұмыстардың материалдарын ұсынады.
- 4) Конкурсқа қатысуға өтінімнің мазмұны мен рәсімделуіне қойылатын талаптар осы Ереженің 4-тарауында көрсетілген.

7.3 II кезең «Комиссияның Конкурсқа қатысушылардың өтінімдері мен материалдарын қарауы, қорытындыларын шығару, Конкурс жеңімпазын анықтау және жариялау».

1) Қорытынды кезең: 16 сәуір 09:00 – 2024 жылғы 17 сәуір 15:00.

2) Бұл кезең Комиссия отырысынан, Конкурстың түпкілікті жеңімпазын анықтаудан және түпкілікті шешім қабылдаудан тұрады.

3) Конкурстың түпкілікті жеңімпазын жариялау күні: 2024 жылдың 17 сәуірі.

1) Конкурс жеңімпаздары туралы ақпараттар келесі жерлерде жарияланады: веб-сайт [www.gov.kz](http://www.gov.kz), [www.kazsports.kz](http://www.kazsports.kz), сондай-ақ [@qaz\\_olympics](https://www.instagram.com/qaz_olympics), [@drs\\_kz](https://www.instagram.com/drs_kz) және [@olympickz](https://www.instagram.com/olympickz) инстаграм парақшасында.

7.4 «Үздік спорттық киім-кешек» және «Үздік салтанатты киім-кешек» номинациялары бойынша жеңімпаздың (жеңімпаздардың) марапаты әр номинация үшін «Туризм және спорт индустриясын қолдау қоры» есебінен 1 000 000 (бір миллион) теңге көлемінде ақшалай ынталандыру түріндегі сыйақы болып табылады. Ол жеңімпазға (жеңімпаздарға) 30 (отыз) күн ішінде төленеді.

7.5 Конкурс жеңімпазы (жеңімпаздары), қажет болған жағдайда, барлық мүдделі тұлғалардың фото/видео репортаждарына қатысумен қатар, олимпиадалық киім-кешек пен жабдықтың одан әрі көпшілік алдында жария етіліп таныстырылуына орай конкурс Ұйымдастырушысының іс-шараларына қатысуға міндетті болып табылады.

## 8. Конкурстың қорытынды жеңімпазын анықтау тәртібі.

8.1 Конкурстың қорытынды жеңімпазын анықтау механизмі Комиссияның қоғамдық онлайн-пікірлерді және үшінші құзыретті сарапшы тараптардан алынған барлық кәсіби пікірлерді есепке алу арқылы жүзеге асырылады.

8.2 Олимпиадалық киім-кешек пен жабдықтардың дұрыс өнімін жасау ерекшеліктеріне байланысты Комиссия Конкурсқа қатысушылардан алған барлық материалдардың ішінен шешуші таңдау жасауға барлық өкілеттіктерге ие.

8.3 Спортшылар мен Комиссия өкілдерінің пікірі мен талғамы Қазақстан Республикасы Олимпиада командасының сыртқы келбетіне сәйкес ықтимал өзгерістер мен толықтыруларды зерделеу мақсатында басымдыққа ие болады.

## 9. Олимпиадалық нысандар мен жабдықтар:

9.1 Осы Ережеде және жарияланған конкурста олимпиадалық нысан мен киім-кешек заттары деп мыналар түсініледі:

### 9.2 Салтанатты форма (жазғы):

- 1) Ерлерге арналған пиджак;
- 2) Ерлерге арналған жейде;
- 3) Ерлерге арналған галстук немесе бабочка;
- 4) Ерлерге арналған шалбар;
- 5) Ерлерге арналған бас киімі;
- 6) Әйелдерге арналған пиджак;
- 7) Әйелдерге арналған жейде;
- 8) Әйелдерге арналған галстук немесе бабочка немесе орамал;
- 9) Әйелдерге арналған шалбар немесе юбка;
- 10) Әйелдерге арналған бас киімі.

### 9.3 Спорттық форма (жазғы):

- 1) Ерлерге арналған спорттық костюм;
- 2) Ерлерге арналған қысқа жеңді футболка;
- 3) Ерлерге арналған футболка (поло) ҚЫСҚА жеңді жейде;
- 4) Ерлерге арналған бейсболка (кепка);
- 5) Ерлерге арналған желден қорғайтын спорттық костюм, капюшон;
- 6) Ерлерге арналған шорты;
- 7) Әйелдерге арналған спорттық костюм;

- 8) Әйелдерге арналған қысқа жеңді футболка;
- 9) Әйелдерге арналған футболка (поло) қысқа жеңді жейде;
- 10) Әйелдерге арналған бейсболка (кепка);
- 11) Әйелдерге арналған желден қорғайтын спорттық костюм, капюшон.
- 12) Әйелдерге арналған шортылар (тым тар және қысқа емес)
- 13) Рюкзак;
- 14) Дөңгелегі бар спорттық (жол) сөмке;
- 15) Үлкен сүлгі;
- 16) Кішкентай сүлгі.

#### **9.4 Ту ұстаушының салтанатты кештегі киім формасы (жазғы):**

- 1) Ерлерге арналған пиджак;
- 2) Ерлерге арналған жейде;
- 3) Ерлерге арналған галстук немесе бабочка;
- 4) Ерлерге арналған шалбар;
- 5) Ерлерге арналған бас киімі;
- 6) Әйелдерге арналған пиджак;
- 7) Әйелдерге арналған жейде;
- 8) Әйелдерге арналған галстук немесе бабочка немесе орамал;
- 9) Әйелдерге арналған шалбар немесе юбка;
- 10) Әйелдерге арналған бас киімі.

### **10. Олимпиадаға арналған киім формасы мен керек-жарақ жабдықтар Тұжырымдамасын әзірлеуге қойылатын талаптар**

10.1 Олимпиадаға арналған киім формасы мен керек-жарақ жабдықтар дизайны Ұлттық Олимпиада комитеттерінің бекітілген бірыңғай формасына және Париж-2024 формасына арналған іс жүзіндегі бірыңғай Нұсқаулықтағы барлық талапты ескере отырып, сәйкестендіріп, әзірленуге тиіс.

10.2 ҰОК формасы бойынша көрсетілген нұсқаулық әр формаға, яғни, киімге (әрбір спорт түрінің ережесіне сәйкес спорт киімін қоса алғанда, қатысушы киетін кез келген киімге), аяқ-киімге (қатысушы киетін аяқ-киімге немесе етікке) және аксессуарларға (қатысушы киетін, бірақ кимейтін кез келген көмекші сипаттағы заттарға) қатысты қолданылады.

### **11. Байланыс деректері**

11.1 Конкурса бастамашы адамның ақпарат тарату, қатысушыларға түсіндіру жұмысына және жалпы конкурс өткізуге құзыретті және жауапты адамы – Қазақстан Республикасы Туризм және спорт министрлігі Спорт және дене шынықтыру комитетінің «Спортты дамыту дирекциясы» РМҚК Мемлекеттік сатып алу бөлімінің бастығы – Асқаров Ержан Өмірзақұлы.

11.2 Қызметкердің байланыс деректері:  
тел: +7 7172 621429, +7 707 300 7976.

Мекен-жайы: Астана қаласы, Қабанбай батыр даңғылы 11/5, 2-қабат, 206 кабинет, Мемлекеттік сатып алу бөлімі.